

# KKFK jaga kebajikan golongan OKU

S.H 04/07/08 M/S 15

Kelab yang telah ditubuhkan sejak 13 tahun lalu bertujuan untuk menjaga kebajikan ahli-ahli yang terdiri daripada warga OKU.

■ AFFAZUL MAJID

**KLANG** - Kelab Kecacatan Fizikal Klang (KKFK) Selangor telah mengadakan Majlis Gotong-Royong Amal bertempat di kelab tersebut di Kampung Jalan Kebun di sini, semalam.

Hampir 125 ahli dari sekitar daerah Klang menghadiri program tersebut yang turut menyerahkan bantuan makanan berupa beras kepada warga orang kurang upaya (OKU).

Pemangku Presiden KKFK, Zakaria Mohd Nor ke-



Antara ahli KKFK yang hadir pada majlis gotong-royong kelab itu di Kampung Jalan Kebun, semalam.

tika ditemui berkata program yang dianjurkan oleh kelab ini sentiasa menerima sambutan yang menggalakkan.

“Program yang kami adakan sentiasa mendapat sambutan yang amat menggalakkan daripada ahli dan penduduk

sekitar,” katanya.

Menurut Zakaria, kelab yang ditubuhkan sejak 13 tahun lalu bertujuan untuk menjaga kebajikan ahli-ahli yang terdiri daripada golongan OKU.

“Selain daripada menjaga kebajikan, kelab ini secara ti-

dak langsung dapat mengeratkan hubungan silaturahim sesama ahli,” katanya.

Jelasnya, sumbangan beras yang diterima adalah hasil sumbangan orang ramai yang prihatin terhadap keperluan terhadap golongan OKU.

“Kami sentiasa mengalu-alukan sebarang bantuan kerana ia secara tidak langsung mengeratkan lagi hubungan OKU dengan masyarakat,” katanya.

Dalam pada itu, Setiausaha Kehormat KKFK, Ashairi

Sulaiman menjelaskan, program gotong-royong yang diadakan mendapat sambutan yang membanggakan.

“Walaupun berkeadaan begini, setiap ahli memberi komitmen serta kerjasama yang wajar diberi pujian bagi menayakan program ini,” kata Ashairi.

Menurutnya antara aktiviti yang dilakukan ialah kerja-kerja mengecat, mengelap dan menyusun atur perabot, membaiki bumbung dan siling serta pembersihan kawasan.

“Aktiviti yang dilakukan menunjukkan komitmen ahli dan bantuan yang diterima amat kami hargai,” ujarnya.

Tambah Ashairi, jika ada pihak yang ingin menghulurkan sebarang bantuan dan sumbangan, mereka boleh menghubungi talian 012-3118526 atau Rokiah Marzuki di talian 019-3845113.